



Alver Kyrkjelege Fellesråd
John Fredrik Wallace
Lonsvegen 1
5914 ISDALSTØ

Referanser:
Dykkar:
Vår: 21/8563 - 23/7028

Saksbehandlar:
Martin W. Kulild
martin.kulild@alver.kommune.no

Dato:
26.01.2023

Brøyting - Kyrkjebudsjett 2023-2024

Etter dialog med formannskapet i Alver kommune, vil vi tilby å brøyte/strø ved aktuelle kyrkjer og gravplassar i samband med gravferder, vigslar og forordna gudstenester, resten av denne vintersesongen og inntil ny avtale mellom fellesrådet og kommunen er på plass. Dette vil i første omgang verte utført av kommunen sine tilsette, og ikkje som del av innleigde tenester.

Eg har fått melding om at det i går var planleggingsmøte mellom fellesrådet og kommunen ved Spurkeland, kor de avtalte å kome tilbake med kart med markering på dei område de ynskjer vintervedlikehald, samt liste over alle planlagde aktivitetar (gudstenester og vigslar). I tillegg skal de så tidleg som mogleg melde frå om gravferder via e-post: vegdrift@alver.kommune.no. De er også gjort kjende med at ved stort snøfall har offentlege vegar første prioritet, og at kapasiteten i nokre avgrensa periodar difor kan være pressa.

I april/mai 2023 skal vi starte prosessen med å førebu utlysing av anbod for vinterdrift for nye fire år – gjeldande frå hausten 2024. Vi har oppfatta at fellesrådet ynskjer at avtalen skal omfatte område ved gravplassane og kyrkjene. Fellesrådet v/kyrkjevevja er med dette invitert til å delta i prosessen og å legge fram nærare spesifikasjonar på område, standard og frekvens mm, for at vi skal kunne be om rett pris/tilbod.

Vi tar sikte på å leggje til rette for at politikarane løyver midlar til føremålet (tenestene levert frå d.d.) i første tertial 2023 og ved handsaming av neste års budsjett og økonomiplan. Nivå på tenesta må vi difor ta attet hald om, til det er gjort vedtak i kommunestyret.

Vi ber om stadfesting på at de ynskjer å være med på eit anbod om brøyting, innan utgangen av mars 2023. Ta kontakt med undertekna dersom de har spørsmål til dette.

Med helsing
Alver kommune, Kommunedirektør

Martin W. Kulild
ass. kommunedirektør

Dette dokumentet er elektronisk godkjent og har difor ingen signatur.

Mottakarar:

Alver Kyrkjelege Fellesråd

Lonsvegen 1

5914

ISDALSTØ